

1642 Juli 20., "Rugro [=Rocroi?] Jnnen Franckrich" A

SCHREIBEN VON HANS MEIER, VON AEGERI, AN AMMANN [BEAT II.] ZURLAUBEN, ZUG

"Min frintlichen grutz ... an ... Herren Batt Jacob [richtig Beat II.] Zurlauben Jtziger Zütt Regierenter Lant Ammen der statt undt ambt Zug Jch kan nit under Lasen dem Herren die sach zu schriben von wegen der sachen<sup>1</sup> so hab J[a] der ... Hauptman [Hans] Mener geredt zu mier undt zu dem lütenambt eter [=Etter?] undt zu andern guten Lüten mine G. H. [Ammann und Rat] von stat undt ambt [Zug] haben Jnnen gestrafft wider ale er undt büligkeit dan er sügse nicht schuldig gesin hieruff hatt der Lütenambt eter geseit das sige nicht fil geschehen so hatt Hauptman Mener wieder geseüt das sige etlich moll geschehen das sie unn gebirlich gestrafft haben dar by üst gesin Her fentrich [Wolfgang] Frey von Zug undt auch Her Rüchter [Oswald] Bachman[n] von Ba[a]r<sup>2</sup> undt auch der Vorir [=Fourier] Keiser von Zug undt auch Hans Nussbaumer [von Aegeri] der gerichts weibel hie mit er facht fül ungelegenheit an das die Lüt hinter ein ander kommen undt das es gross hentell gübt hie mit es würt noch Jn kürtzer Züt etwan einer fom fently heim kommen der würt noch wüter bricht bringen weder Jedtzunder da kurtzlichen geschriben statt.

Hiemit Jch undt der Lütenambt Eter kennen hie unden nichts anfangen mit Jme dan er ein solcher tiran ist mit etlichen soltaten das mir sinner dan gar übel misten ergelten. Jedzunder megen Jm mine G. H. von statt undt ambt dun wie Jr welet dan mir sint das ding schuldig anzuzeigen by unser gewüsen hiemit uff sin Züt werden ir Jn ob got wül auch fünten undt Jm sin verdinten Lohn Geben was Jm gehert hiemit gott süge lob Jch bin noch Jn guter gesuntheüt hiemit grützen mir auch ale Ratsbrudern undt ale die Jenigen die mir nachfragen".

"Empfangen den 19. Augsten 1642 durch den Nussbaumer von Aegeri H. Menners sach belangend. Verlesen Jm [Stadt- und Amts-]Rath den 17. octobris 1642".

1) s. auch AH 95/12

2) Regest AH 68/23 Pt. 2 muss insofern korrigiert werden, als Richter Oswald Bachmann von Baar und nicht von Zug stammt, wie dort irrtümlich angenommen wurde.

Original, mit Siegeln. Dorsualnotizen von Beat II. Zurlauben.  
AH 95, 80-81 - Blatt 81<sup>I</sup> leer